



Broj: 01- 576 /25

Sarajevo: 18. 8. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18-08-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	1839/25	

PREDMET: Zastupnička inicijativa - Grubo kršenje člana 8. stav (9) Zakona o radu u institucijama Bosne i Hercegovine kojim je utvrđena proporcionalna etnička zastupljenost u institucijama Bosne i Hercegovine, dostavlja se Domu na nadležno postupanje

U skladu s čl. 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22 59/23, 87/23 i 50/24), Predstavničkom domu Parlamentarne skupštine BiH upućujem zastupničku inicijativu:

„Predstavnički dom Parlamentarne skupštine Bosne i Hercegovine obavezuje Roberta Vidovića, generalnog sekretara Vijeća ministara Bosne i Hercegovine da, u skladu s članom 8. stav (9) Zakona o radu u institucijama Bosne i Hercegovine, osigura odgovarajuću etničku zastupljenost Bošnjaka zaposlenih u Agenciji, na način da se prioritarno u radni odnos primaju osobe koje pripadaju bošnjačkom narodu, jer su Bošnjaci, protivno Ustavu i zakonima Bosne i Hercegovine, apsolutno nedovoljno zastupljeni u strukturi zaposlenih u Generalnom sekretarijatu Vijeća ministara BiH”.

Obrazloženje

I Propisi kojima je utvrđena proporcionalna etnička zastupljenost u institucijama BiH

Zakon o radu u institucijama Bosne i Hercegovine - Član 8. stav 9. „Struktura zaposlenika kod poslodavca okvirno odražava nacionalnu strukturu stanovništva Bosne i Hercegovine prema posljednjem popisu stanovništva”.

Ustav Bosne i Hercegovine, Član IX Opšte odredbe: „3. **Funkcioneri imenovani na položaje u institucijama Bosne i Hercegovine, u pravilu, odražavaju sastav naroda Bosne i Hercegovine**”.

Odlukom Ustavnog suda Bosne i Hercegovine (U-23-14-1058444) u predmet „Ljubić“ od 1. decembra 2016. godine utvrđeno je sljedeće: „(...) Pored navedenog, iz naprijed navedenih odredaba Ustava Bosne i Hercegovine slijedi da je **ustavotvorac u institucijama Bosne i Hercegovine uspostavio proporcionalnu zastupljenost Bošnjaka, Srba i Hrvata kao konstitutivnih naroda**“ (str. 21.).

II Rad Roberta Vidovića, generalnog sekretara - Grubo kršenje propisa kojima je utvrđena proporcionalna etnička zastupljenost u institucijama Bosne i Hercegovine

Uprkos jasno utvrđenim ustavnim i zakonskim odredbama o etničkoj proporcionalnoj zastupljenosti u institucijama Bosne i Hercegovine, u Generalnom sekretarijatu Vijeća ministara Bosne i Hercegovine sa sjedištem u Sarajevu, **zaposleno je 31% Hrvata, odnosno 100% više od zakonom utvrđenog broja!** Srba je 31%, a Bošnjaka je svega 36% , umjesto 50% kako je zakonom jasno utvrđeno.

Osim što je Bošnjaka svega malo više od jedne trećine zaposlenih, poražavajući su podaci o rukovodećim pozicijama u Generalnom sekretarijatu. **Od pet rukovodećih državnih službenika, dva su Hrvata, dva Srbina i samo jedan Bošnjak, odnosno 20%.** Bitno je istaći da je jedno rukovodeće mjesto - pomoćnik generalnog sekretara u Administrativnoj službi za opšte poslove, već godinama upražnjeno. Umjesto da se za ovo mjesto pomoćnika raspiše konkurs i u stalni radni odnos primi službenik koji se izjašnjava kao Bošnjak, kako bi se bar djelomično umanjio debalans Bošnjaka na rukovodećim pozicijama, to se ne dešava, **jer Robert Vidović očigledno smatra da i ovo rukovodeće mjesto mora pripasti Hrvatima.** Kao dokaz za navedeno, navodim da je Ured za reviziju institucija BiH u Izvještaju o obavljenoj finansijskoj reviziji Generalnog sekretarijata BiH za 2024. godinu konstatirao **da je Robert Vidović, suprotno zakonu, donio rješenje da šef Odsjeka za podršku (koji se izjašnjava kao Hrvat), pored svog redovnog posla obavlja poslove i zadatke upražnjenog radnog mjesta pomoćnika sekretara u Administrativnoj službi .**

Robert Vidović već sedam godina rukovodi Generalnim sekretarijatom i cijeli taj period, svjesno i namjerno, krši jasne zakonske odredbe o obaveznoj proporcionalnoj etničkoj zastupljenosti, sve s ciljem da se u Generalnom sekretarijatu zaposli što veći broj Hrvata, a što manji broj Bošnjaka, posebno na rukovodećim pozicijama. Bitno je istaći činjenicu da Robert Vidović, u saradnji sa Anitom Markić, direktoricom Agencije za državnu službu BiH, utiče na imenovanje članova konkursnih komisija za izbor državnih službenika u Generalnom sekretarijatu. Stoga postoji osnovana sumnja da su ovi konkursi fingirani. Kako drugačije objasniti činjenicu da je u Generalnom sekretarijatu od pet rukovodećih državnih službenika samo jedan Bošnjak, uprkos činjenici da Bošnjaka u skladu sa zakonom mora biti 50%. Za Roberta Vidovića, kao i za većinu drugih funkcionera HDZ-a, podrazumjeva se da za rukovodeće pozicije u državnoj službi „jednostavno nema dovoljno dobrih kandidata Bošnjaka”.

Robert Vidović ima status državnog službenika, a suprotno Zakonu o državnoj službi BiH, uopće ne krije svoje političko opredjeljenje. Naime, Dragan Čovića, predsjednik HDZ-a, je na svom Twitter profilu objavio da je 18. marta 2024. godine u Kreševu održan sastanak koordinacije dužnosnika HDZ-a na razini Bosne i Hercegovine „na kojem su dužnosnici HDZ-a razgovarali o aktuelnim procesima“, a sastanku je, što se moglo vidjeti sa objavljenih fotografija na Čovićevom Twitter profilu, prisustvovao i državni službenik Robert Vidović.

Na koji način Robert Vidović radi i koliko uopće poštuje propise, možda nabolje odslikava činjenica da je Vijeće ministara na 31. sjednici, održanoj 7. decembra 2023. godine, donijelo rješenje o imenovanju Roberta Vidovića za generalnog sekretara Vijeća ministara BiH. Protivno uobičajenoj praksi da mandat lica koje je imenovalo Vijeće ministra počinje teći od

dana donošenja rješenja o imenovanju (primjer imenovanja Josipa Merdže), Vidović je čekao **tri mjeseca** da se rješenje o njegovom imenovanju dostavi na objavu u Službenom glasniku BiH. U rješenju je naveo da se rješenje primjenjuje narednog dana od dana objave, odnosno od 6. marta 2024. godine, čime je Robertu Vidoviću nezakonito produžen mandat za gotovo tri mjeseca. Prije toga, računajući tehnički mandat u trajanju od osam mjeseci koliko je trajala konkursna procedura, **Vidović je pravnim smicalicama sebi produžio mandat za ukupno 11 mjeseci.**

Robert Vidović u službenim dopisima upućenim drugim institucijama često upozorava na poštovanje propisa i za sebe ističe da je legalista, a **istovremeno taj "legalista" grubo krši zakonske odredbe koje ga obavezuju da u Generalnom sekretarijatu mora biti zaposleno 50% Bošnjaka, pri čemu je osigurao da Hrvata ima za 100% više od zakonom utvrđenog broja. Ustav i zakoni Bosne i Hercegovine o proporcionalnoj zastupljenosti zaposlenih moraju se poštovati, ma koliko se to ne svidalo Robertu Vidoviću, koji ove propise grubo krši.** Napominjem da je najvažnija pozicija u državnoj službi upravo generalni sekretar Vijeća ministara BiH i da su na toj funkciji već 23 godine, od samog osnivanja Generalnog sekretarijata, isključivo kadrovi HDZ-u. To nije spriječilo Vijeće ministara da ponovo, na mandat u trajanju od pet godina imenuje Roberta Vidovića. Zašto za sve ove godine na ovu poziciju nikada nije imenovan državni službenik iz reda Bošnjaka, pitanje je na koje bi trebalo da odgovore svi dosadašnji bošnjački funkcioneri imenovani u Vijeće ministara BiH.

III Rezime - zakonitost i opravdanost predložene mjere

Centralna banka Bosne i Hercegovine je najbolji primjer da se ustavne i zakonske odredbe o proporcionalnoj etničkoj zastupljenosti u institucijama moraju i mogu poštovati. U ovoj državnoj instituciji je u potpunosti ispoštovan zakonski princip odgovarajuće etničke zastupljenosti zaposlenih u skladu sa etničkom strukturom stanovništva. **Ako Centralna banka Bosne i Hercegovine, koja zapošljava 360 osoba, može u potpunosti osigurati princip proporcionalne zastupljenosti, onda to mogu i moraju i sve druge institucije Bosne i Hercegovine.**

Mišljenjem ministra pravde Bariše Čolaka, funkcionera HDZ-a, broj 08-02-4-2673/13 od 25. marta 2013. godine, u vezi s popunjavanjem zaposlenih u jednoj instituciji na nivou države Bosne i Hercegovine, utvrđeno je sljedeće: „ (...) Prioritetno bi trebalo primati one kandidate koji pripadaju narodu koji nije dovoljno zastupljen u strukturi zaposlenika poslodavca. Naravno, može se primati samo onaj kandidat koji ispunjava sve uslove za radno mjesto koje se popunjava”.

Napominjem da je Ustavom i zakonima Bosne i Hercegovine propisana zabrana diskriminacije na osnovu etničke pripadnosti koja se primjenjuje na sve javne organe u svim oblastima, a naročito zaposlenja i obrazovanja. Diskriminacijom se ne smatra uvođenje, donošenje i provođenje privremenih mjera s ciljem otklanjanja postojeće neravnopravnosti, pa je tako u ovom slučaju u potpunosti opravdana privremena mjera da se u Agenciji za državnu službu, nakon provedenih konkursa, prioritetno primaju kandidati Bošnjaci. Kao dokaz da je predložena mjera zakonita i potpuno opravdana, citiraću član 2. stav

(4) Zakona o ravnopravnosti spolova u Bosne i Hercegovini: „Diskriminacijom se ne smatra uvođenje, donošenje privremenih posebnih mjera s ciljem otklanjanja postojeće neravnopravnosti, promoviranje jednakosti i zaštite ravnopravnosti spolova.“

Nesporno je da su Bošnjaci trenutno diskriminirani u Generalnom sekretarijatu Vijeća ministara BiH i da se provođenjem predložene privremene mjere osigurava odgovarajuća etnička zastupljenost Bošnjaka zaposlenih u Generalnom sekretarijatu.

Na sjednicu nadležne komisije Predstavničkog doma i sjednicu Predstavničkog doma na kojoj će se razmatrati ova inicijativa, u skladu s članom 11. st. 1. i 2. Zakona o parlamentarnom nadzoru, potrebno je pozvati Roberta Vidovića, generalnog sekretara Vijeća ministara BiH, da u okviru svojih ovlaštenja, da informacije vezano za inicijativu i odgovori na pitanja zastupnika u vezi kršenja zakona kojima je utvrđena odgovarajuća etnička zastupljenost Bošnjaka u Generalnom sekretarijatu.

Sastavni dio inicijative je mišljenje ministra pravde BiH broj 08-02-4-2673/13 od 25. marta 2013., rješenje o imenovanju Roberta Vidovića, „Službeni glasnik BiH” broj 16/24 i rješenje o imenovanju Josipa Merdže, „Službeni glasnik BiH” broj 41/23.

S poštovanjem,

ZASTUPNIK PS BiH
Šemsudin Mehmedović

Dostavljeno:

- naslovu
- a/a



Broj: 08-02-4-2673/13
Sarajevo, 25.03.2013. godine

BOSNA I HERCEGOVINA
KOMISIJA ZA OČUVANJE NACIONALNIH SPOMENIKA
Obala Kulina bana 1
71 000 SARAJEVO

10.03.2013

031-342-77/13-6 --

Predmet: Mišljenje u vezi primjene Zakona o radu u institucijama Bosne i Hercegovine - B.H.
dostavlja se

Veza Vaš akt broj: 03.1-34.2-77/13-1 od 08.03.2013. godine

Ministarstvo pravde Bosne i Hercegovine (u daljem tekstu: Ministarstvo pravde) je dana 12. 03. 2013. godine zaprimilo akt Komisije za očuvanje nacionalnih spomenika Bosne i Hercegovine, broj i datum prednji, kojim se traži mišljenje u vezi primjene odredaba Zakona o radu u institucijama Bosne i Hercegovine¹, koje se odnosi na *postupak prijema u radni odnos*.

U vezi naprijed navedenog, a u okviru svojih nadležnosti, dajemo slijedeće

MIŠLJENJE

Članom 8. st. 5., 6. i 9. Zakona o radu u institucijama Bosne i Hercegovine je propisano slijedeće:

„5. Poslodavac imenuje Komisiju za izbor zaposlenika koja razmatra pristigle prijave kandidata u smislu ispunjavanja općih i posebnih uslova, provodi postupak ispitivanja kandidata obavljanjem testiranja, te poslodavcu dostavlja listu uspješnih kandidata radi daljnjeg postupanja.

6. Poslodavac na osnovu liste uspješnih kandidata donosi odluku o prijemu kandidata u radni odnos.

9. Struktura zaposlenika kod poslodavca okvirno odražava nacionalnu strukturu stanovništva Bosne i Hercegovine prema posljednjem popisu stanovništva.”

Mišljenja smo da upravo odredba člana 8. stav 9. Zakona o radu u institucijama Bosne i Hercegovine obavezuje poslodavca da u strukturi zaposlenika obezbjedi primjenu odluke Ustavnog suda BiH o konstitutivnosti naroda Bosne i Hercegovine. Ta struktura se, po pravilu, može obezbjediti prilikom popunjavanja upražnjenih radnih mjesta, jer bi prioritetno trebalo primati one kandidate koji pripadaju narodu koji nije dovoljno zastupljen u strukturi zaposlenika poslodavca. Naravno, može se primiti samo onaj kandidat koji ispunjava sve uslove predviđene za radno mjesto koje se popunjava.

S poštovanjem,

Dostaviti:

- Naslovu,
- a/a.

MINISTAR

Bariša Čoljak

Generalnom tajništvu ("Službeni glasnik BiH", broj 41/03), Vijeće ministara Bosne i Hercegovine, na prijedlog predsjedateljice Vijeća ministara Bosne i Hercegovine, na 31. sjednici održanoj 7. prosinca 2023. godine, donijelo je

RJEŠENJE

O IMENOVANJU GENERALNOG TAJNIKA VIJEĆA MINISTARA BOSNE I HERCEGOVINE

1. ROBERT VIDOVIĆ, imenuje se za generalnog tajnika Vijeća ministara Bosne i Hercegovine, na mandatno razdoblje od pet godina, drugi mandat.
2. Ovo Rješenje stupa na snagu danom donošenja, a primjenjuje se sljedećeg dana od dana objave u "Službenom glasniku BiH".

VM broj 349/23
7. prosinca 2023. godine
Sarajevo

Predsjedateljica
Vijeća ministara BiH
Borjana Krišto, v. r.

На основу члана 28. став 2. и члана 34. став 2. Закона о државној служби у институцијама Босне и Херцеговине ("Службени гласник БиХ", бр. 12/02, 19/02, 8/03, 35/03, 4/04 17/04, 26/04, 37/04, 48/05, 2/06, 32/07, 43/09, 8/10, 40/12 и 93/17), члана 17. и члана 24. став 3. Закона о Савјету министара Босне и Херцеговине ("Службени гласник БиХ", бр. 30/03, 42/03, 81/06, 76/07, 81/07, 94/07 и 24/08) и тачке IX став 1. Одлуке о Генералном секретаријату ("Службени гласник БиХ", број 41/03), Савјет министара Босне и Херцеговине, на приједлогу предједавајуће Савјета министара Босне и Херцеговине, на 31. сједници одржаној 7. децембра 2023. године, донио је

РЈЕШЕЊЕ

**О ИМЕНОВАЊУ ГЕНЕРАЛНОГ СЕКРЕТАРА
САВЈЕТА МИНИСТАРА БОСНЕ И ХЕРЦЕГОВИНЕ**

1. РОБЕРТ ВИДОВИЋ, именује се за генералног секретара Савјета министара Босне и Херцеговине, на мандатни период од пет година, други мандат.
2. Ово рјешење ступа на снагу даном доношења, а примјењено се наредног дана од дана објављивања у "Службеном гласнику БиХ".

СМ број 349/23
7. децембра 2023. године
Сарајево

Предсједавајућа
Савјета министара БиХ
Борјана Кришто, с. р.

211

Na osnovu člana 9. stav 2. Zakona o ministarskim i drugim imenovanjima, imenovanjima Vijeća ministara Bosne i Hercegovine i drugim imenovanjima Bosne i Hercegovine ("Službeni glasnik BiH", broj 37/03), člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 4. Odluke o kriterijima za imenovanje članova Komisije za koncesije Bosne i Hercegovine VM broj: 360/23 od 7.12.2023. godine, a u vezi sa Zaključkom Vijeća ministara Bosne i Hercegovine sa 3. sjednice održane 23.2.2023. godine, na prijedlog Ministarstva vanjske trgovine i ekonomskih odnosa Bosne i Hercegovine, Vijeće ministara Bosne i Hercegovine na 31. sjednici, održanoj dana 7.12.2023. godine, donijelo je

RJEŠENJE

**O IMENOVANJU KOMISIJE ZA PROVOĐENJE
KONKURSNE PROCEDURE ZA IZBOR SEDAM
ČLANOVA KOMISIJE ZA KONCESIJE
BOSNE I HERCEGOVINE**

1. Imenuje se Komisija za provođenje konkursne procedure za izbor sedam članova Komisije za koncesije Bosne i Hercegovine, a koja se sastoji od pet članova i to:
 - a) Dragiša Mekić, pomoćnik ministra za vanjskotrgovinsku politiku i strana ulaganja Ministarstva vanjske trgovine i ekonomskih odnosa Bosne i Hercegovine;
 - b) Admir Softić, pomoćnik ministra za energetiku Ministarstva vanjske trgovine i ekonomskih odnosa Bosne i Hercegovine;
 - c) Edita Perić, šef Odsjeka za preduzetništvo Sektora za ekonomski razvoj i preduzetništvo u Ministarstvu vanjske trgovine i ekonomskih odnosa Bosne i Hercegovine;
 - d) Slaviša Moljević, ekspert;
 - e) Edin Dilberović, ekspert.
2. U skladu sa članom 9. stav 1. i članom 10., članom 11. i članom 12. Zakona o ministarskim imenovanjima, imenovanjima Vijeća ministara Bosne i Hercegovine i drugim imenovanjima Bosne i Hercegovine ("Službeni glasnik BiH", broj 37/03) Komisija iz tačke 1. ovog rješenja će izvršiti pregled svih prijava koje stignu u propisanom roku, te na osnovu principa iz člana 3. Zakona sastaviti listu s užim izborom najboljih kandidata koji ispunjavaju kriterije za imenovanje i obaviti intervju sa kandidatima. Komisija je dužna da putem pismene preporuke predloži rang-listu s najboljim kandidatima za članove Komisije za koncesije Bosne i Hercegovine.
3. Stupanjem na snagu ovog rješenja prestaje da važi Rješenje o imenovanju Komisije za provođenje konkursne procedure za izbor sedam članova Komisije za koncesije Bosne i Hercegovine ("Službeni glasnik BiH", broj 33/21).
4. Ovo rješenje stupa na snagu danom donošenja i objavljuje se u "Službenom glasniku BiH".

VM broj 361/23
7. decembra 2023. godine
Sarajevo

Predsjedavajuća
Vijeća ministara BiH
Borjana Krišto, s. r.

Temeljem članka 9. stavak 2. Zakona o ministarskim i drugim imenovanjima, imenovanjima Vijeća ministara Bosne i Hercegovine i drugim imenovanjima Bosne i Hercegovine ("Službeni glasnik BiH", broj 37/03), članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i članka 4. Odluke o kriterijima za imenovanje članova Povjerenstva za koncesije Bosne i Hercegovine VM broj: 360/23 od 7.12.2023. godine, a u vezi sa Zaključkom Vijeća ministara Bosne i Hercegovine sa 3. sjednice održane 23.2.2023. godine, na prijedlog Ministarstva vanjske trgovine i ekonomskih odnosa Bosne i Hercegovine, Vijeće ministara Bosne i Hercegovine na 31. sjednici, održanoj dana 7.12.2023. godine, donijelo je

- (3) Utvrđeni iznos u Bazi en-route troškova za pružatelja usluga izvan Bosne i Hercegovine: Hrvatska kontrola zračne plovidbe (CCL) 6.508.175 BAM.
- (4) U skladu s propisima iz oblasti zajedničke politike naplate rutnih naknada, utvrđeni planski iznosi baza troškova podliježu mehanizmu prilagođavanja kako bi se osigurao konačni povrat samo stvarnih troškova usluga.
- (5) En-route sredstva iz stava (2) tačka a) ovog člana uplaćuju se od strane EUROCONTROL- a na račun BHANSA-e.
- (6) En-route sredstva iz stava (2) tačka b) ovog člana uplaćuju se od strane EUROCONTROL- a na jedinstven račun Ministarstva finansija i trezora Bosne i Hercegovine, kod Centralne banke Bosne i Hercegovine.
- (7) Iznos ostvarenih prihoda iz stava (2) ovog člana zavisice od obima ostvarenog prometa u zračnom prostoru Bosne i Hercegovine za 2023. godinu.
- (8) U slučaju većeg ili manjeg priliva sredstava od iznosa planiranih u st. (2) i (3) ovog člana, EUROCONTROL će raspodjelu sredstava vršiti shodno procentualnom odnosu koji predstavlja sastavni dio pisane instrukcije iz stava (1) ovog člana.

Član 4.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 110/23
11. maja 2023. godine
Sarajevo

Predsjedavajuća
Vijeća ministara BiH
Borjana Krišto, s. r.

532

Na temelju članka 9. st. 4. i 5. Zakona o osnivanju Instituta za intelektualno vlasništvo Bosne i Hercegovine ("Službeni glasnik BiH", broj 43/04), članka 28. stavak 2. i članka 34. stavak 2. Zakona o državnoj službi u institucijama Bosne i Hercegovine ("Službeni glasnik BiH", br. 12/02, 19/02, 8/03, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 11. sjednici održanoj 11. svibnja 2023. godine, donijelo je

RJEŠENJE

O IMENOVANJU RAVNATELJA INSTITUTA ZA INTELEKTUALNO VLASNIŠTVO BOSNE I HERCEGOVINE

1. Josip Merdžo, imenuje se za ravnatelja Instituta za intelektualno vlasništvo Bosne i Hercegovine, na mandatno razdoblje od pet godina - drugi mandat, počevši od dana donošenja ovog Rješenja.
2. Ovo Rješenje stupa na snagu danom donošenja i objavljuje se u "Službenom glasniku BiH".

VM broj 111/23
11. svibnja 2023. godine
Sarajevo

Predsjedateljica
Vijeća ministara BiH
Borjana Krišto, v. r.

Na osnovu člana 9. st. 4. i 5. Zakona o osnivaњу Instituta za intelektualno vlasništvo Bosne i Hercegovine ("Službeni glasnik BiH", broj 43/04), člana 28. stav 2. i člana 34. stav 2. Zakona o državnoj službi u institucijama Bosne i Hercegovine ("Službeni glasnik BiH", br. 12/02, 19/02, 8/03, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17) i člana 17.

Zakona o Savjetu ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Savjet ministara Bosne i Hercegovine, na 11. sjednici održanoj 11. maja 2023. godine, donijelo je

RJEŠENJE

O IMENOVANJU DIREKTORA INSTITUTA ZA INTELEKTUALNO VLASNIŠTVO BOSNE I HERCEGOVINE

1. Josip Merdžo, imenuje se za direktora Instituta za intelektualno vlasništvo Bosne i Hercegovine, na mandatni period od pet godina - drugi mandat, počevši od dana donošenja ovog rješenja.
2. Ovo rješenje stupa na snagu danom donošenja i objavljuje se u "Službenom glasniku BiH".

CM broj 111/23
11. maja 2023. godine
Sarajevo

Predsjedavajuća
Savjeta ministara BiH
Borjana Krišto, s. r.

Na osnovu člana 9. st. 4. i 5. Zakona o osnivanju Instituta za intelektualno vlasništvo Bosne i Hercegovine ("Službeni glasnik BiH", broj 43/04), člana 28. stav 2. i člana 34. stav 2. Zakona o državnoj službi u institucijama Bosne i Hercegovine ("Službeni glasnik BiH", br. 12/02, 19/02, 8/03, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 11. sjednici održanoj 11. maja 2023. godine, donijelo je

RJEŠENJE

O IMENOVANJU DIREKTORA INSTITUTA ZA INTELEKTUALNO VLASNIŠTVO BOSNE I HERCEGOVINE

1. Josip Merdžo, imenuje se za direktora Instituta za intelektualno vlasništvo Bosne i Hercegovine, na mandatni period od pet godina - drugi mandat, počevši od dana donošenja ovog rješenja.
2. Ovo rješenje stupa na snagu danom donošenja i objavljuje se u "Službenom glasniku BiH".

VM broj 111/23
11. maja 2023. godine
Sarajevo

Predsjedavajuća
Vijeća ministara BiH
Borjana Krišto, s. r.

533

Na temelju članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine na 12. sjednici, održanoj 18.5.2023. godine, donijelo je

RJEŠENJE

O RAZRJEŠENJU RAVNATELJA UPRAVE ZA NEIZRAVNO OPOREZIVANJE

1. Miro Džakula, razrješava se dužnosti ravnatelja Uprave za neizravno oporezivanje, sa danom 14.6.2023. godine, zbog isteka mandata.
2. Ovo rješenje stupa na snagu danom donošenja i objavljuje se u "Službenom glasniku BiH".

VM broj 112/23
18. svibnja 2023. godine
Sarajevo

Predsjedateljica
Vijeća ministara BiH
Borjana Krišto, v. r.